


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-104	Al-Humazah	9	1	Makkiyyah	Ke-32	2



Zaman Diturunkan

Surah al-Humazah diturunkan pada peringkat kedua kehidupan Rasulullah s.a.w. di Mekah di antara tahun ke-4 hingga ke-5 Kenabian, ketika itu da'wah secara terbuka telah pun bermula. Di dalamnya dikemukakan beberapa perangai dan sikap buruk salah seorang pemimpin Quraisy yang terkenal iaitu Umayyah bin Khalaf, punca utama manusia menjadi begitu ialah kerana tidak percayakan hari akhirat.

Perkaitan Surah Al-Humazah Dengan Surah Sebelum Dan Selepasnya

Di dalam Surah al-'Ashr, orang-orang kafir dikatakan berada dalam kerugian kerana tidak beriman dan beramal shaleh, di dalam Surah al-Humazah ini pula dikemukakan satu contoh manusia yang rugi iaitu seorang pemimpin yang buruk akhlaknya dan bersifat bakhil.

Beberapa Kata Kunci Dan Tema Utama Surah

1. هَامِزٌ orang yang suka mencari ke'aiban orang; orang yang hanya tahu menyebut kekurangan orang, mencela dan mengumpat orang dan lain-lain.
2. هُمَزَةٌ adalah مُبَالِغَةٌ اسم bererti orang yang suka sangat mencari keburukan orang, cukup hebat dalam mencela dan mencaci orang.
3. لَمَزَةٌ ini juga مُبَالِغَةٌ اسم ia bererti orang yang suka sangat menyebut keburukan orang di hadapannya, mencaci, mencela dan memburuk-burukkan orang sudah menjadi tabiatnya.
4. عَمَدٌ jama' kepada عُمُود bererti tiang besar.